

廣文書局印行

史料編五
甘寧青史略
(五)

慕壽祺著

趙元貞校
李炳

史料編
甘寧青史略
(五)

廣文書局印行

甘寧青史略卷十四

明太祖

乙洪武八年

元昭宗五年

立安定阿端二衛

安定衛在西甯西北甘州西南漢為嬌

為甯王鎮之其地本名撒里畏兀兒廣袤千里東近罕東北邇沙州南接西番居無城郭以帳為廬舍產駝馬牛羊洪武三年遣使持詔招諭七年六月卜煙帖木兒使其府尉麻答兒等來朝貢鎧甲刀劍諸物太祖喜宴賚其使者遣官厚賚其王而分其地為阿端阿真若先帖里四部各賜以印明年正月其王遣傳卜顏不花來貢上元所授金銀字牌請置安定阿端二衛從之乃封卜煙帖木兒為安定王以其部人沙刺等為指揮九年命前廣東參政鄭九成等使其地賁王及其部人衣幣明年王為沙刺所弑王子板咱失里復讎誅沙刺沙刺部將復殺王子部內大亂番將朵兒只巴叛走沙漠經安定大肆殺掠奪其印去其衆益衰二十五年藍玉西征徇阿真川土酋司徒哈咎等懼逃匿山谷不敢出及肅王之國甘州遣僧謁王乞授官以安部衆王為奏請帝許之二十九年命行人陳誠至其地復立安定衛其酋長哈孩虎都魯等五十八人悉授指揮千百戶等官誠還酋長隨之入朝貢馬謝恩帝厚賚之復命中官齎銀幣往賜永樂元年遣官齎敕撫諭撒里諸部明年安定頭目多來朝擢千戶三郎等三人為指揮僉事餘授官有差並賜本衛指揮同知哈三等銀幣未幾指揮朵兒只束來朝願納差發馬五百匹命河州衛指揮康壽往受之壽言罕東必里諸衛納馬其值皆河州軍民運茶與之今安定遼遠運茶尤難乞給以布帛帝曰諸番市馬運茶已著為例今姑從所請後仍給茶于是定制上馬給布帛各二疋以下遞減三年哈三等遣使來貢奏舉頭目撒力加藏卜等為指揮等官且請歲納

擊蓄什一並從之四年徙駐苦兒丁之地初安定王之被殺也其子撒兒只失加爲其兄所殺部衆潰散子亦攀丹流寓靈藏十一年五月率衆入朝自陳家難乞授職帝念其祖率先歸附令襲封安定王賜印誥自是朝貢不輟二十二年中官喬來喜鄧誠使烏斯藏次畢力朮江黃羊川安定指揮哈三孫散哥及曲先指揮散即思等率衆邀劫之殺朝使盡奪駝馬幣物而去仁宗大怒敕都指揮李英偕康壽等討之英等率西甯諸衛軍及隆奔國師賈失兒藍藏等十二番族之衆深入追賊賊遠遁英等踰崑崙山西行數百里抵雅令闊之地遇安定賊擊敗之斬首四百八十餘級生擒七十餘人獲駝馬牛十四萬有奇曲先聞風遠竄追之不及而還英以此封會昌伯壽等皆進秩大軍旣旋指揮哈三等懼罪不敢還故地宣德元年帝遣官招諭之復業者七百餘人帝並賜綵幣表裏以安具反側三年春賜安定及曲先衛指揮等官五十三人誥命初大軍之討賊也安定指揮桑哥與罕東衛軍同奉調從征罕東遠令不至其所轄板納族噶桑哥軍遠出盡掠其部內廬帳蓄產事聞降敕切責令速歸所掠違命則發兵進討已進桑哥都指揮僉事正統三年桑哥卒其子那南奔嗣職九年那南奔率衆掠曲先人畜朝廷諭還之不奉命反劫其行李帝怒敕責安定王追理王旣奉命又陳詞乞憐帝乃宥之諭以保國睦鄰之義十一年冬亦攀丹卒子占領幹些兒襲時王年幼叔父指揮僉事歷景泰天順成化三朝頻入貢多不相下王遣之入朝奏請量加一秩乃擢都指揮僉事歷景泰天順成化三朝頻入貢弘治三年領占幹些兒卒子千奔襲賜諭祭其父十七年千奔率衆侵沙州大掠而去正德時蒙古大酋亦不刺阿爾禿廝侵據青海縱掠鄰境安定遂殘破部衆散亡僅存餘孽江繚爾加等俗僧四十有奇徙居西甯沙棠川威遠城東歲輸馬一十有奇

明之中官奉使
事甘自此始

民國十七年莊
浪城內佛寺有
像人毀佛像於
時鈔票內得明
之物也

阿端衛在撒里畏兀兒之地洪武八年置後爲朵兒只巴殘破其衛遂廢永樂四年冬酋
長小薛忽魯札等來朝貢方物請復置衛設官從之卽授小薛等爲指揮僉事洪熙時曲
先酋散卽思邈起朝使魯阿端指揮魯丹偕行已大軍出征銷魯丹懼率部衆遠竄失
其印宣德初遣使招撫銷魯丹猶不敢歸依曲先維處六年春西甯都督史昭言曲先衛
真只罕等本別一部因其父助散卽思爲逆竄處畢力朮江其地當烏斯藏孔道恐復爲
亂宜討之帝敕昭曰殘寇窮迫無地自容宜遣人宥其罪令復故業於是真只罕率所部
還居帖兒谷舊地明年正月入朝天子喜授指揮同知令掌衛事以指揮僉事卜答兀副
之真只罕因言阿端故城在同回境去帖兒谷尙一月程朝貢艱乞移本土爲便天子從
其請仍給以印賜書撫慰之迄正統朝數入貢後不知所終
其時西域地亦有名阿端者貢道從哈密入與此爲兩地云

鄧愈創蘭州河橋

五年愈率兵征吐蕃西河州以西朵甘思烏斯藏
等部悉來歸至是創修浮橋於蘭州以便行人

夏五月遣中官趙成使河州

自鈔法行西番馬至者少帝遣成齎羅綺及巴茶往
河州市之馬稍集成尋爲西番多爾濟巴勒所殺

案是年春三月帝詔中書省造大明寶鈔其等有六曰一貫曰五百文四百

文三百文二百文一百文每鈔一貫準錢一千銀一兩租課錢鈔兼收錢什

三鈔什七百元以下止用錢惟莊浪縣教育局所存明鈔面蓋戶部印背寫

一貫下畫錢串式者十是鈔一貫準錢十千惟紙色微黑是有故焉太祖始造鈔不就一夕夢神告當用秀才心肝爲之寤思之不得高后曰士子苦心文業其文課卽心肝也祖喜曰得之矣因命取太學積課簿搗而爲之果成

見聖君初政記

又洪武紀年之末庚辰前後道不拾遺有見遺鈔於途拾起一視恐

污踐更置高潔地直不取也

見東朝記

丙辰九年

元昭宗六年

三月免陝西及山西諸省田租

夏徙甯夏民於西安府

又徙他方之民以實甯夏其中吳楚人居多

案洪武二年徐達遣將襲元豫王於西安州遂徙西安州餘衆於北平太祖又徙蘇州人於西北今青海有地曰吳寨豈明初遷徙而來歟他如徙沙漠遺民屯田北平徙山西民於河北徙江南民十四萬於鳳陽徙蘇松嘉湖杭民四千餘戶田臨濠終洪武之世徙民最多

秋八月己酉西番朵兒只巴寇罕東河州指揮甯正擊走之

是歲族之散居
青海者往往邀
阻貢使故擊之

是年夏四月昭
宗祖太祖自爲

是歲命大都督府僉事同知沐英抵熙河間民疾苦

事有不便更置以聞

丁巳十年

元昭宗七年

春二月也先帖木兒攻涼州百戶劉林死之

林武威人任涼州百戶也先犯境林禦於

寶融臺力戰而死事聞上嘉其忠勇遣祭於其下後人因名其臺曰劉林臺

夏四月遣鄧愈等帥師擊吐蕃平之

初鄧愈克臨洮遣員外郎許允德招諭吐蕃諸族以指揮甯正守臨洮會吐蕃來寇正擊降之

既允德還元吐蕃宣慰司何索諾穆溫布詣軍門降鎮西武靖王伯訥等亦以諸部來降遂移正使守河州其後吐蕃所部往往邀阻貢使帝命愈爲征西將軍偕都督同知沐英討之分兵三道入番部覆其巢穴窮兵至崑崙山俘斬萬計留兵戍諸要害而還

冬十一月衛國公鄧愈卒追封甯河王

愈征吐蕃還卒於壽春河州甯河堡人民遂奉愈爲城隍以生前有功德於河州也

案造邦賢勳錄鄧愈泗州人以功初封衛國公上稱其智如淵之深不可測也卒葬三山門西山原申駕臨奠諭留夢炎爲文追封甯河王諡武順甘肅甯河縣宋置在河南六十里後廢今改和政縣和政人尊愈爲城隍究竟所追封者是否卽故甯河堡不敢臆斷

戊午十一年

元昭宗八年

春二月曹國公李景隆建岷州衛於祐川

設軍民指揮使司隸陝西都司領軍民千戶所

文遠使弔祭子
特古斯特穆爾
仍據帝號
仍據帝號

四西固軍民千戶所一移直隸各省軍民守之並經歷司編戶十六又徙岐山縣在城里
民居之謂之樣民總計一十七里是年秋命指揮馬奕掌岷州始築城垣建樓櫓置學校
官廨之屬永樂初設都指揮鎮守地方天順間改鎮守爲守備且因羌人錯處叛服不常
成化四年設兵備道以彈壓於上嘉靖四年用副使翟鵬奏增設通判監收糧餉二十四
年巡按御史朱徵議改州治設官吏添銀力二差編馬站等役繁重不支至三十八年道
臣孟養性請裁州守一切糧稅仍歸通判經歷管理四十二年巡按御史韓君恩以經歷
官微不便約束題准裁去通判經歷添設撫民同知專理一十七里錢糧並
岷州一切軍民詞訟倉庫獄囚學校城池兵馬屯田糧餉迄今仍舊貫云

案岷州志岷州古雍州之城天文井鬼分野秦爲隴西郡屬呂漢代仍之西魏文帝大統
中始置岷州及同和郡隋文帝開皇三年罷郡爲州煬帝大業三年改州爲郡以其地爲
臨洮縣末復改分臨洮和政二縣復置岷州唐天寶初改和政郡乾元初復爲岷州治溢
樂祐川和政三縣宣宗時爲歸義軍節度後爲吐蕃奴部渾所據宋神宗熙寧六年經略
安撫使王韶復河州而岷州首領木征以城降復
爲岷州隸熙州後隸秦鳳路紹興間沒於金

案祐川在今岷縣東南七十里本魏同和郡周置基城縣隋開皇九年省義甯二年析
臨洮郡之臨洮和政置岷州領縣三曰溢樂曰祐川曰和政唐因之宋紹興後徙廢

西番劫貴德州
哈刺鬼諸土番劫掠貴德人畜
遣朵爾只失結至西海捕獲之

秋八月西番寇洮州命沐英爲征西大將軍帥藍玉等統兵征之

英進兵攻取甘
朵降其萬戶乞

送迦平其部
落俘獲無算

案明史沐英傳拜征西將軍討西番敗之士門峽徑洮州獲其長阿昌失納築城東籠山擊禽酋長三副使囊嚕子等平朵甘納兒七站拓地數千里俘男女二萬雜番二十餘萬乃班師元國公脫火赤等屯和林數擾邊十三年命英總陝西兵出塞略亦集乃路渡黃河登賀蘭山涉流沙七日至其境分四翼夜擊之而自以驍騎衝其中罕禽脫火赤其隨英西征者曹興從大軍討洮州羌降朵甘酋禽三副使等師還封懷遠侯謝成從大軍征朵甘降乞失迦平洮州十八族金朝興從沐英西征收納鄰七站地張龍副李文忠征西番洮州論功封鳳翔侯周武以參將從沐英討西番朵甘功多師還封雄武侯王弼副西平侯征西番降朵甘諸酋殺獲甚衆論功封定封侯藍玉同沐英討西番禽其酋三副使師還封永昌侯語見明史各有列傳

己未十二年春正月遣征西將軍沐英擊洮州叛番大破之

洮州十八族番酋三副使等叛據納鄰七站地

帝命英討之復命李文忠往籌軍事英至洮州舊城寇遁去追擊大破之禽三副使等築城東籠山置洮州衛文忠言官軍守洮州餉艱民勞帝曰洮州西控番戎東蔽湟隴漢唐以來備邊要地今番寇既斥棄之不守數年後將復爲患慮小費而忘大虞豈良策哉卒置衛守之

案洮州志番族頭目楊生格始祖喇嘛領占倫卜明正統間授世襲都綱倫卜子班南尖錯於正德間承襲管中馬番人一十八族曰刺卜族曰卓路族曰北路哈族曰列札族曰

撤哈堡族曰依自多族曰多札族曰官洛族曰班藏族曰拿些祿族曰巴舍族
曰阿自塔族曰哈古族曰他那族曰達哈族曰九日哈族曰哈呢族曰包茶族
又案七站地在洮州西洮州舊城在洮州西南即古洮陽城也後漢書西
羌傳諸羌退聚洮陽即此今名舊洮東籠山在洮州東番人耕種於此

秋七月西平侯沐英建洮州衛於洮州

舊衛屬臨洮府清
爲廳屬鞏昌府

時平羌將軍丁
玉蒙四川松州
番平之併潘州
於松州置松潘
衛與洮州連界

案陝西通志舊洮州古臨潭縣地秦屬臨洮晉爲吐谷渾所據北周逐吐谷渾置洮州隋
爲臨洮唐宋爲洮州明共武間李思齊歸附十二年西平侯沐英創建新城以其地爲洮
州衛東至舊洮七十里南至兩川地六百里西至番界一百里北至臨洮府界二百里
明萬歷十四年改設守備清改爲廳駐新城即洪武十二年沐英所建之洮州衛也

以李文忠督理河岷臨鞏軍事

河州指揮使徐景改築衛城

史稱秦始皇築長城起自臨洮限塞外漢武帝通西域始
立亭障後因爲河州初名屯罕縣至唐曰鳳林關又曰鳳

河州府名稱自
此廢此錄可探
入臨夏縣新志

林縣宋神宗熙寧二年王韶克河州以隸熙河路元置吐蕃宣慰使司迨其季年則山後
部落諸酋自相雄長戰鬪無虛日民殲於兵城池室廬鞠爲茂草洪武初鄧愈克河州降
者宥拒者戮咸畏威懷德款塞內附遂置河州府以治民設河州衛以戍兵至是詔并爲
一改曰河州衛軍民指揮使徐景以舊城逼近北原至是改築週九里三分高五丈厚三
丈

九月己亥沐英大破西番酋其部長三副使

庚申十三年春正月沐英襲元將托和齊等於額齊訥路即今額濟納蒙古境擒之元國公托和齊知院

按珠屯和林帝命英擊之英至靈州偵知托和齊等在額齊納路遂渡黃河經甯夏歷賀蘭山涉流沙七日夜至其境去敵營五十里分軍爲四乘夜銜枚而進合圍之擒托和齊按珠盡獲其部曲以歸已而漢英襲元柳城王虜之復獲平章瑚圖克特穆爾爾王額琳沁及其部曲千四百人遂還肅州

三月壬子沐英襲元將脫火赤於亦集乃擒之

設文縣守禦千戶所土官趙遠操集土民爲軍隸陝西都司十五年改隸秦州衛十八年裁革文縣以千戶領縣事

撥河州民至西甯貴德開墾守城帝命於河州撥民四十八戶來貴德開墾守城自耕自食不納丁糧又於河州衛撥世襲百戶王猶

等三人各攜眷口赴貴德守禦城池又東鄉康楊李三屯百姓原係土人編入民籍完糧

脫火赤犯邊征西將軍沐英生擒之時脫火赤犯順英由亦集乃路渡黃河歷賀蘭山涉流沙分兵爲四翼自以驍勇衝其中堅衛

枚夜薄其營生擒脫火赤及知院愛足全部以歸

洪武十五年雖
復行科舉而監
生與薦舉人才
參用者居多太
監書攬監生劉
政等六十四人
爲布政接察使
及參政副使等
官或用爲御史
給事中而薦舉
之途尤廣

是歲都督濮英出兵開哈梅里之路以通商旅

哈梅里地近甘肅故元諸兀納失里
居之至是聞官軍開路兀納失里懼

納款於朝明年遣使往朝貢馬後以哈梅里退回紇貢使有從他道往者又遣兵邀殺之帝遣兵討之戰不利二十五年遣使貢馬騾於朝請罪受之

甲子十七年春三月頒科舉條式是科陝西鄉試甘肅中舉人五名

帝初以官多闕
員舉人俱免會

試赴京聽選又擇其少年俊異者張唯王輝等爲翰林院編修入禁中文華堂肄業命贊善大夫宋濂爲之師帝政暇親品鑑其文日給光祿酒饌每食皇太子親王迭爲之主歲時賜賚甚厚至是以所取多後生少年有文無實遂罷科舉別令有司察舉賢才以德行為本文藝次之其目曰聰明正直曰賢良方正曰孝弟力田曰儒士曰孝廉曰秀才曰人才能曰耆民皆禮送京師不次擢用而各省貢生亦由太學以進於是罷科舉者十年十五年秋八月復行科舉三年一行爲定制至是實行科舉甘肅士子在陝關中五人曰賀崇

德臨洮人布政使蘇燾臨洮人訓導雷鳴
春狄道人御史曹銘會甯人杜銘階州人

案是歲頒科舉條式以子午卯酉年鄉試辰戌丑未年會試鄉試中式者各布政使司送禮部會試會試中式者赴殿試凡鄉試會試各三場第一場試四書義三道經義四道四書主朱子集注易主程朱傳義書主蔡沈傳及古注疏春秋注三傳及胡安國張洽傳禮記主古注疏二場試論一判語五詔誥章表各一三場試經史策五其應試者國子學生及府州縣學生之學成者儒士之未仕者官之未入流者皆由有司申舉其罷閒官吏及倡優之家與居父母喪者皆不許入試

明代開科自洪武四年辛亥始
後至十七年甲子復設乙丑會試
初三科猶循元制
一作經義至二元
十一三年戊辰始
定今三場之制
刻錄

乙丑十八年春三月始選進士入翰林及爲庶吉士甘肅中進士三名帝廷試進士擢一甲丁顯

等爲翰林院修撰二甲馬京等爲編修吳文等爲檢討命進士觀政於諸司其在翰林院承勅監中書六科者曰庶吉士在六部都監院諸司者仍稱進士庶吉士及觀政進士之名亦俱自此始是科甘肅捷南宮者二人曹銘會甯人官至左都御史王恪伏羌人杜銘陪州人給事中

案是歲始定翰林官品員先是翰林官無常員吳元年置翰林學士侍講學士直學士及修撰編修尋又置學士承旨侍讀學士增待制應奉等員已而承旨直學士待制俱革亦無定秩學士先爲正三品後改從三侍講學士正四品直學士正五品侍讀學士從四品修撰編修正八品至是更定品員著爲定例學士一人正五品侍讀侍講學士各二人並從五品侍讀侍講各二人並正六品始以侍讀先侍講史官修撰從六品編修正七品檢討從七品俱無定員其侍書及待詔則不常設

又案庶吉士官名明太祖採周書庶常吉士之義置庶吉士六科及中書皆有之永樂中始專隸於翰林院以進士文學優等及善書者為之清因之設庶常館使翰林官為教習三年則試其優劣而授職謂之散館初入翰林則曰欽點翰林院庶吉士

是歲以蕭岐為平涼訓導

岐字尚仁泰和人五歲而孤事祖母父母以孝聞有司屢舉不赴洪武十七年詔徵賢良強起之上十便書大意謂帝刑罰

過中許告風熾請禁止實封以杜誣罔依律科獄以信詔令凡萬餘言召見授潭王府長史力辭忤旨謫雲南楚雄訓導岐即日行遣騎追還歲餘改授陝西平涼再歲致仕復召與錢宰等考定書傳賜幣鈔給驛歸嘗輯五經要義又取刑統八韻賦引律令為之解合為一集嘗曰天下之理本一出乎道必入乎刑吾合二書使觀者有所省也學者稱正固先生當是時太祖治尚剛嚴中外凜凜奉法救過不給而岐所上書過切直帝不為忤

蘭州指揮僉事楊廉移河橋於城北

先洪武五年宋國公馮勝西征指揮趙祥去城西七里造浮橋以濟師師還即撤越四年衛國

公鄧愈帥師定地復建橋於城西十里名曰鎮遠因而弗率廉蒞任見河流悍急隄壩弗固移近城西北距金城關二百步橋南築小城置門橋北因山為城東西置門建樓其上橋之制聯巨舟二十四架以木梁棚以木板圍以欄楯墜以石籠兩岸樹鐵柱四鐵纜維之木柱四十五草麻纜維之後世稍違其制橋輒敗故永以廉為法至永樂初河南張忠知蘭縣以黃河浮橋歲修民多勞費奏行臨洮府屬縣衛所同造以紓民累

移浮橋與修鐵
橋相隔五百餘
年作者用穿插
之筆相提並論
此之謂眼光四
射

洪武二十七年
冬十一月賜死
國公傅友德
死

慕壽祺曰蘭州北門外黃河浮航以渡自南抵北用船二十四隻上覆木板曳車牽馬而過如履平地舊名鎮遠詩云造舟爲梁其斯之謂與清末改鐵橋較浮橋誠爲便利一有風塵警究不如橋船之易於靠岸也天下事有利必有害具卽此類也夫

丙寅十九年夏四月命長興侯耿秉文城西甯
先是洪武四年五月元西甯州同知李南哥以州歸附五年始立西甯衛至是

城之

丁卯二十年遣指揮朵爾只失結招撫叛亡千戶阿卜的千戶祁貢哥星吉收捕

西番酋亦林真奔

庚午二十三年秋九月置山丹衛十二月以甘肅衛爲甘州衛

傅友德復征甯夏
友德從晉王燕王征沙漠禽乃兒不花還駐開平復征甯夏

辛未二十四年夏五月遣祁貢哥星吉招撫祁者孫諸番酋
命涼國公藍玉理蘭州莊浪等七衛兵以追逃

寇祁者孫至則都指揮瞿能等已大破其衆遂略西番罕東之地因請增置屯衛報可

蒙古王子阿魯哥失里遣使朝貢

至永樂三年始置沙州衛

王二十五年詔朵爾只失結征西番阿立答哈思

朵爾只失結西甯人初仕元為甘肅行省右丞洪武四年歸附招撫

叛亡收捕番目有功於西甯賈德二十四年調甘州前衛指揮至是詔征西

封莊王梗於岷州

岷莊王梗太祖第十八子洪武二十四年封國岷州二十八年以雲南新附宜親王鎮撫改雲南有司請營宮殿帝令暫居棧亭俟民力稍紓

後作建文元年西平侯沐晟奏其過廢為庶人徙漳州

封韓王松於平涼

韓憲王松太祖第二十子洪武二十四年封國開原性英敏通古今恭謹無過永樂五年薨以未之國命葬安德門外十年子恭王冲煖嗣時

棄大甯三衛地開原逼塞不可居二十二年改封平涼仁宗即位召冲煖與弟襄陵王冲煖樂平王冲煇入朝各獻詩頌帝嘉悅賜金幣有差宣宗初請徙江南不許請獨護衛屯租建邸第許之遣主事毛俊經度並建襄陵樂平二邸及岷州廣福寺陝西守臣言歲歉請輟工帝令繕王宮罷建寺役平涼接邊徵問諜充斥冲煖習邊鄙利弊正統元年上書極言邊事賜書褒答五年子懷王範圯嗣

册允熾為皇太孫誥示臣民

詔曰曩古列聖相繼御宇者首立儲君朕自甲辰即王位戊申即帝位於今二十九年矣前者操將練兵平天下亂

偃天下兵奠生民於田里用心多矣統一以來除奸暴去豪強亦用心多矣邇來蒼顏皓首儲嗣爲重嫡孫允炆以九月十三日冊爲皇太孫奉上下神祇以安民庶誥示臣民想宜知悉皇太孫洪武三十一年閏五月十六日卽皇帝位改明年爲建文元年追懿文太子爲孝康皇帝

耿秉文帥兵平徽州妖人之亂

置肅王府於甘州以甘州衛爲甘州左衛復置甘州右衛甘州中衛

給甘州番族市馬金銅信符

初以馬易茶諸番樂効而衛所將卒因之有擅索者帝命齎金銅符賜涼州甘州等衛諸番族諭之曰往朝廷有所

須必酬以茶貨未許私徵近聞邊將無狀多假朝命擾害俾爾等不獲甯居今特製金銅信符頒給過有徵發必比對相符始行不然則僞械至京罪之

案明製茶馬金牌一十六面以其上號藏內府下號給曲先等四衛及申藏等十三族其文左曰皇帝聖旨右曰不信者斬每三年一遣京官齎奉合符凡徵馬三千五百匹上馬

酬茶一百二十斤中馬七十斤下馬五十斤歲給甘鎮馬千九百匹以供征操

癸二十六年慶王橈就藩甯夏

慶靖王橈太祖第十六子洪武二十四年封二十六年就藩甯夏以餉未敷令駐慶陽北古韋州城就延安綏

甯租賦二十八年詔王理慶陽甯夏延安綏德諸衛軍務三十年始建邸王好學有文忠孝出天性成祖善之令歲一至韋州度夏宣德初言甯夏卑溼水泉惡乞仍居韋不許令

甘肅通志各王后冊卷十四

屏藩西北沿行封建時代 明太祖

關州後華印書館出版